

修訂日期: 2004/11/14 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1245

原始資料: 蕭鎮國大德提供, 北美某大德提供

No. 1245

佛說毘沙門天王經

西天譯經三藏朝散大夫試鴻臚卿傳教大師臣法天奉 詔譯

如是我聞。一時佛在舍衛國祇樹給孤獨園。爾時毘沙門天王。與百千無數藥叉眷屬。於初夜分俱來佛所。放大光明照祇陀園一切境界。五體投地禮世尊足。住立一面合掌向佛以偈讚曰。

歸命大無畏	正覺二足尊
諸天以天眼	觀我無所見
過現未來佛	三世慈悲主
一一正遍知	我今歸命禮

爾時毘沙門天王說此偈已。白佛言世尊。有諸聲聞苾芻苾芻尼優婆塞優婆夷。或於曠野林間樹下經行坐臥。我此藥叉非人之類。有信佛言者有少信之者。復有無數諸惡藥叉不信佛言。惱亂有情令不安隱。善哉世尊所有阿吒曩胝經能為明護。若有苾芻苾芻尼優婆塞優婆夷及諸天人。受持讀誦禮敬供養廣為人說。皆能衛護為作吉祥。爾時會中有諸正信藥叉之眾。合掌白言。唯願天王說此經典我等樂聞。時毘沙門天王默然受請。即向佛前頭面禮足。承佛威神告藥叉言。今此經典若有所得宣布流通。能除眾生一切煩惱。是故我今歸依頂禮。

東方世界有乾闥婆主名曰持國。具大威德身放光明。譬如日出普照世間。統領眷屬乾闥婆眾恭敬圍繞。歌舞作唱而受快樂。有九十一子同名帝釋。有大勢力勇猛暴惡。見佛世尊歸依頂禮尊重恭敬。觀此非人而能禮敬。彼持國天王守護東方。如佛行行如是護世。是故我今稽首歸命正遍知明行足無上寂靜。

南方世界有鳩盤拏主名尾嚙茶迦。具大威德身有光明。如日照世亦如大海深廣無邊。彼諸凡夫不可測度。統領眷屬鳩盤拏眾恭敬圍繞。歌舞作唱而受快樂。有九十一子同名帝釋。有大勢力勇猛暴惡。見佛世尊歸依頂禮尊重恭敬。觀此非人而能禮敬。彼鳩盤拏主守護南方。如佛行行如是護世。是故我今稽首歸命正遍知明行足無上寂靜。

西方世界有大龍主名尾嚙博叉。有大威德光明遠照。統領眷屬諸大龍眾恭敬圍繞。歌舞作唱而受快樂。有九十一子同名帝釋。有大勢力勇猛暴惡。見佛世尊歸命頂禮尊重恭敬。觀此非人而能禮敬。彼大龍主守護西方。如佛行行如是護世。是故我今稽首歸命正遍知明行足無上寂靜。

北方世界有藥叉名俱吠囉。有大威德身光熾盛如大火焰。統領眷屬藥叉之眾恭敬圍繞。歌舞作唱而受快樂。有九十一子同名帝釋。有大勢力勇猛暴惡。見佛世尊歸依頂禮尊重恭敬。觀此非人而能禮敬彼藥叉主守護北方。如佛行行如是護世。是故我今稽首歸命正遍知明行足無上寂靜。

復次北方世界。人壽千歲命不中夭。地無耕種人不執作。飲食自然色香具足。資益諸根身體光潤。處處皆有花果樹木流泉池沼。隨意遊戲如受天樂。如是東方持國南方尾嚕茶迦。西方尾嚕博叉北方俱吠囉。各以威德護四大洲。

復次乾闥婆主。有藥叉女眾有乘象者。有乘馬者有乘駝者。有乘水牛者有乘羊者。有乘蛇者有乘飛禽者。有乘童男者有乘童女者。以象前引。於虛空中密詣諸方。種種變化隨意自在。亦能守護人不可見。若諸藥叉形容醜惡種種差異。亦如飛禽往虛空中。自在遊行亦密護人。其名曰阿吒曩吒俱曩吒波里俱娑曩吒曩擎曩布里迦等。及藥叉女眾。皆住北方阿擎迦嚕帝大城。又此大城有一宮殿。於其四邊有九十九池。水甚深廣名曰地池。泉源通流亦能降雨。復有多種花果樹木。所謂供俱婆迦俱囉囉迦麼花等。果味甘美眾所愛樂。頻伽孔雀種種諸鳥常出妙音。彼有天子名曰勇猛。并諸眷屬亦住是宮守護國界。時毘沙門天王承佛慈力。次第宣說真言曰。

怛爾也(二合)他(引)伊梨彌梨伊隸緊吒母隸咽隸緊致母隸賀那彌護努里努(一合)彌矯里嚕駄(引)里虞努咽爾烏枳護枳娑嚕(二合引)賀(引)

爾時毘沙門天王說真言已。白佛言世尊。復有諸大乾闥婆眾。與我而為兄弟。其名曰欲麼覩樂麼覩歌麼多麼羅麼覩麼度麼多花醉恒醉吉祥醉財醉難禦迦青蓮華白蓮華月半尼羅俱枳羅成凍母嚕五髻妙色金麼擎尾輸俱蜜里(二合)賀娑波(二合)帝王野嚕帝惹誠覩誠帝。如是等乾闥婆眾。迷惑惱亂一切眾生。若有惱亂有情而不捨離者。聞此真言頭破作七分。如阿梨樹枝真言曰。

怛爾也(二合)他(引)供覩梨供覩羅噎咽娑那(引)曼底計娑那伴尼底計底瑟吒(二合)努瑟吒(二合)滿度細娑嚕(二合引)賀(引)

世尊若有聲聞苾芻苾芻尼優婆塞優婆夷。於此經中受持讀誦禮敬供養廣為人說。彼乾闥婆及父母兄弟男女眷屬等。皆不能為害。常來親近侍奉衛護。若有惱害者即失威力。不得乾闥婆三昧。頭破作七分如阿梨樹枝。亦不得往阿擎迦嚕帝大城中住。

世尊若有聲聞苾芻苾芻尼優婆塞優婆夷。於此經中受持讀誦。禮敬供養廣為人說。彼閉舍左及父母兄弟男女眷屬等皆不能為害。常來親近侍奉衛護。若有惱害者即失威力。不得閉舍左三昧。頭破作七分如阿梨樹枝亦不得往阿擎迦嚕帝大城中住。真言曰。

怛爾也(二合)他(引)護彌(引)護彌(引)護彌羅(引)嚕帝曳(引)娑嚕(二合引)賀(引)

世尊復有鳩盤擎眾。其名曰難多烏波難多訖里(二合)計輸麼賀波囉輸(二合)摩斛那囉捺舍賀娑覩(二合)部彌左嚕末麼訖里(二合)瑟擎(二合)路咽多阿婆囉嚕囉擎尾

麼路禰里伽(二合)囉擎誡里惹曩 惹致路捺舍難尼阿里祖(二合)諾迦麼迦麼迦噎羅巘擎
訖里(二合)野虞般多怛囉野(二合)劍末羅跋捺里(二合)迦 薩里囉(二合)嘵誡唧怛囉(二合)
芻等。如是鳩盤擎眾。迷惑惱亂一切有情。若有惱亂者聞此真言。頭破作七分如阿梨
樹枝。真言曰。

怛爾也(二合)他(引)悉里尾悉里悉里尾悉里訖里(二合)瑟擎(二合)蹉誡隸迦囉尼卑孕
(二合)誡隸娑囉(二合引)賀(引)

世尊若有聲聞苾芻苾芻尼優婆塞優婆夷。於此經中受持讀誦。禮敬供養廣為人說。
。彼鳩盤擎眾及父母兄弟男女眷屬等。皆不能為害。常來親近侍奉衛護。若有惱害者
即失威力。不能鳩盤擎三昧。頭破作七分如阿梨樹枝。亦不得往阿擎迦囉帝大城中住
。

世尊若有聲聞苾芻苾芻尼優婆塞優婆夷。於此經中受持讀誦。禮敬供養廣為人說。
。彼必隸多及彼父母兄弟男女眷屬等。皆不能為害。常來親近侍奉供養。若有惱害者
即失威力。不得必隸多三昧。頭破作七分如阿梨樹枝。亦不得往阿擎迦囉帝大城中住
。真言曰。

怛爾也(二合)他(引)喻彌喻彌隸喻彌羅囉帝曳娑囉(二合引)賀(引)

世尊我今復說諸大龍眾。其名曰難努波難努難禰囉囉計里跋捺囉(二合)惹敢
(二合)迦卑孕(二合)誡路那地迦囉擎印捺囉(二合)囉護莎悉帝(二合)迦阿輸俱彌多輸迦尾
鉢囉(二合)目訖覩惹焰鉢帝必里(二合)免多羅唧怛囉(二合)多羅必里(二合)免[牟^{*}含]唧怛
囉(二合)鉢囉(二合)賀囉[口^{*}爾]麼賀頗尼所(二合)惹喻底囉鈍麼賀 訖里瑟擎部惹敢(二
合)誡麼阿惹播羅怛乞叉(二合)囉摩 訖里(二合)瑟擎(二合)舍野摩穉俱(二合)乃至世間行者
。如是龍等惱亂有情。聞此真言頭破作七分如阿梨樹枝。真言曰。

怛爾也(二合)他(引)唧隸尾唧隸唧隸尾唧隸虞里巘駛里摩鄧霓贊擎(引)隸娑囉(二合引)
賀(引)

世尊若有聲聞苾芻苾芻尼優婆塞優婆夷。於此經中受持讀誦。禮敬供養廣為人說。
。彼諸龍眾及彼父母兄弟男女眷屬等。皆不能為害。常來親近侍奉衛護。若有惱害者
即失威力。不得龍中三昧。頭破作七分如阿梨樹枝。亦不得往阿擎迦囉帝大城中住。

世尊若有聲聞苾芻苾芻尼優婆塞優婆夷。於此經中受持讀誦。禮敬供養廣為人說。
。彼羯吒布怛曩及彼父母兄弟男女眷屬等。皆不能為害。常來親近侍奉供養。若有惱
害者即失威力。不得羯吒布怛曩三昧。頭破作七分如阿梨樹枝。亦不能往阿擎迦囉帝
大城中住。真言曰。

怛爾也(二合)他(引)阿閉囉賀爾(引)囉帝曳(引)娑囉(二合引)賀(引)

世尊我今說彼藥叉大將。其名曰印捺囉(二合)鈍謨囉嚕擎鉢囉(二合)惹鉢帝婆羅捺
囉惹 伊舍曩 室左(二合)難曩 迦麼 室里瑟咤 俱爾建註 儼軍吒 摩尼里摩尼里
摩尼左囉 鉢囉(二合)擎那 烏波半左迦 娑多儻里 呶麼囉多布囉擎佐禰囉俱尾吒虞

波羅野叉 阿吒囉俱曩囉祖[口*爾] 那里沙婆唧怛囉(二合)細曩 嘵駄里舞(二合)
禰里伽(二合)舍訖帝(二合)摩多隸 半左羅噠穌摩曩禰里伽(二合)野叉。并諸眷屬帝里
(二合)頗隸。左帝里(二合)建吒等。乃至世間行者俱是眷屬。若惱亂有情而不捨離者。
聞此真言頭破作七分如阿梨樹枝。真言曰。

怛爾也(二合)他(引)呬隸彌隸呬彌隸吉里帝(二合引)母隸呬隸吉里帝(二合)母隸唵凍彌
(引)凍彌(引)烏凍麼烏凍彌(引)烏企彌企虞(引)努(引)呬(引)部凌(二合)識里乙里(二合)史散多
爾娑囉(二合引)賀(引)

世尊若有聲聞苾芻苾芻尼優婆塞優婆夷。於此經中受持讀誦。禮敬供養廣為人說。
。彼諸藥叉及彼父母兄弟男女眷屬等。皆不能為害。若有惱亂者即失威力。不能得藥
叉三昧。頭破作七分如阿梨樹枝。亦不能往阿擎迦囉帝大城中住。

世尊若有聲聞苾芻苾芻尼優婆塞優婆夷。於此經中受持讀誦。禮敬供養廣為人說。
。彼諸羅刹及彼父母兄弟男女眷屬等。皆不能為害。常來親近侍奉供養。若有惱亂者
即失威力。不能得羅刹三昧。頭破作七分如阿梨樹枝。亦不能往阿擎迦囉帝大城中住
。真言曰。

怛爾也(二合)他呬隸呬隸護嚕護嚕喻彌羅囉帝曳(引)娑囉(二合引)賀(引)

毘沙門天王說此阿吒曩祇經已。禮世尊足却住一面。

爾時釋迦牟尼佛。於夜分中告苾芻眾言。如是此經有大威力能為明護。彼毘沙門
天王與無數百千藥叉眷屬。放大光明照祇陀園一切境界。說伽他曰。

歸命大無畏	正覺二足尊
諸天以天眼	觀我無所見
過去未來佛	三世慈悲主
一一正遍知	我今歸命禮

說此偈已而白佛言。有諸聲聞苾芻苾芻尼優婆塞優婆夷。於曠野林間樹下經行坐
臥。有諸藥叉非人之類。有信佛言者有少信者。有極惡不信者。惱亂有情令不安隱。
說此經典利樂眾生。汝諸苾芻聽諦聽。此經真實有大威力能為救護。乃至天人常得
密護。汝當受持廣宣流布。說是語已天龍藥叉人非人等皆大歡喜信受奉行。

佛說毘沙門天王經